

全唐詩目 第二函

第七冊

裴耀卿

宋鼎

崔頌

孫翊

徐仁友

蘇綰

康庭芝

張宣明

盧崇道

共一卷

包融

丁仙芝

蔡隱丘

蔡希周

蔡希寂

張潮

張翬

周瑀

談馘

殷遙

沈如筠

孫處玄

徐延壽

樊晃

共一卷

李愷

李邕

王灣

史青

王泠然

共一卷

張子容 一卷

張旭

賀朝

萬齊融

邢巨

張若虛

薛業 共一卷

孫逖 一卷

崔國輔 一卷

崔珪

楊浚

劉晏

袁瓘

李昂

庫狄履温

寇坦

李休烈 共二卷

李林甫

楊炎

元載

陳希烈

張漸

宋昱 共一卷

盧象 一卷

裴士淹 李元操 顧朝陽 陶峴

盧鴻 一卷

徐安貞 崔翹 梁昇卿 吳肇 陸海

全唐詩

裴耀卿

裴耀卿字煥之守真子應童子舉爲睿宗藩邸典籤開元中累官濟州刺史再歷宣冀二州入拜戶部侍郎請廣漕運以實關輔沿河置倉納粟又開山陸運以避三門之險擢黃門侍郎同平章事充轉運使遷侍中終尙書左僕射詩二首

敬酬張九齡當塗界留贈之作

茂先寔王佐仲舉信時英氣覩衝天發人將下榻迎珪符肅有命江國遠徂征九派期方越千鈞或所一作可輕高帆出風迴孤嶼入雲平遄邁嗟于役離憂空自情餘簪

陪早歲接壤厠專城曠別心彌軫宏規義轉傾徒然恨
飢渴况乃諷瑤瓊

酌張九齡使風見示

時爲宣
州刺史

茲地五湖隣艱哉萬里人驚飈翻是託危浪亦相因宣
室才華子金閨諷議臣承明有三入去去速歸輪

宋鼎

宋鼎明皇時爲襄州刺史詩二首

贈張丞相

并序

張丞相與子有孝廉校理之舊又代余爲荊州余
改漢陽仍兼按使巡至荊州故有此贈

漢上登飛幘荆南歷舊居已嘗臨砌橘更覩躍池魚盛

德繼微渺深衷能卷舒義申蓬閣際情切廟堂初郡挹
文章美人懷燮理餘皇恩儻照亮豈厭承明廬

酌故人還山

舉濯乘春水歸山撫歲華碧潭宵見月紅樹晚一作開花
蕭穆輕風度依微隱徑斜危亭暗松石幽澗落雲霞思
鳥吟一作鳴高樹游魚戲淺沙安知餘興盡相望紫煙賒

崔頌

崔頌開元中爲荊州郡司馬詩一首

和張荊州九齡晨出郡舍林下

優閑表政清林薄賞秋成江上懸曉月往來虧復盈天
雲抗真一作意郡閣晦高名坐嘯應無欲寧辜濟物情

孫翊

孫翊嘗以監察御史使洪州張九齡在洪州時翊與往
還詩一首

奉酬張洪州九齡江上見贈

受命讞

一作議

封疆逢君牧豫章於馬審虞芮復爾共舟航

悵別秋陰盡懷歸客思長江皋在離贈持此慰他鄉

徐仁友

徐仁友開元時人詩一首

古意贈孫翊

南望緱氏嶺

一作山

山居共澗陰東西十數里緬邈方寸心

雲日落廣厦

一作庭

鶯花對

一作坐

孤琴琴中多苦調悽切誰復

尋

蘇綰

蘇綰嘗為書記與杜審言同時詩一首

奉和姚令公駕幸温湯喜雪應制

漢主新豐邑周王尚父師雲符沛童唱雪應海神期林

變驚春早山明訝夕遲况逢温液霈恩重御裘詩

康庭芝

康庭芝為河陰令與杜審言同時詩一首

詠月

一作沈佺期詩又作宋之問詩讓杜審言有和庭芝詠月即和此也

天使下西樓光含萬里秋臺前疑掛鏡簾外似懸鉤張

尹將眉學班姬取扇儔佳期應借問為報在刀頭

蘇綰

蘇綰

康庭芝

張宣明

張宣明

張宣明有膽氣富辭翰為郭元振判官詩二首

山行見孤松成詠

唐新語云宣明嘗山行見孤松賞玩久之賦此詩鳳閣舍人梁載言賞之曰文之氣質不

減於長松也

孤松鬱山椒蕭爽凌清霄既挺千丈榦亦生百尺條青
青恒一色落落落非一朝大厦今已構惜哉無人招寒霜
十二月枝葉獨不凋

使至三姓咽麪

宜明為元振判官時使至三姓咽麪因賦此詩時人稱為絕唱

昔聞班家子筆硯忽然投一朝舞長劔萬里入荒陬豈
不服艱險只思清國讐山川去何歲霜露幾逢秋玉塞
已遯廓鐵關方阻修東都日宵宵西海此悠悠卒使功

名建長封萬里侯

盧崇道

盧崇道睿宗朝爲太常卿坐聳崔湜流嶺南後私還都
下事敗敕杖至殞詩一首

新都南別郭大元振

竹徑女蘿蹊蓮州文石隄靜深人俗斷尋翫往還迷碧
潭秀初月素林驚夕棲褰幌納烏侶罷琴聽猿啼佳辰
改宿昔勝寄在睽攜長懷賞心愛如玉復如珪

御定全唐詩
盧崇道
雙峰書室

此書... 五... 心... 人... 谷... 大... 太... 坐... 聖... 萬... 各... 數... 具... 情... 禱... 聖... 皇... 慈...

全唐詩

包融

包融潤州人

二云湖州人

開元初與賀知章張旭張若虛皆有

名號吳中四士張九齡引為懷州司馬遷集賢直學士

大理司直子何佶世稱二包各有集融詩今存八首

按唐藝文

志融與儲光義皆延陵人曲阿有餘杭尉丁先艾緱氏主簿蔡隱丘監察御史蔡希周渭南尉蔡希寂處士張彥雄張潮校書郎張暉吏部常選周瑒長洲尉談載旬容有王府參軍殷迺破石主簿均見橫陽主簿沈如筠江寧有右拾遺孫處玄處士徐延壽丹徒有江都主簿馬侯武進尉申堂構十八人皆有詩名殷璠彙為丹陽集今存者包融以下十五人儲光義別見張彥雄馬侯無考申堂構止存句

登翹頭山題儼公石壁

晨登翹頭山山曠黃霧起却瞻迷相背直下失城市
日銜東郊朝光生邑里掃除諸煙氛照出眾樓雉青為

洞庭山白是太湖水蒼茫遠郊樹倏忽不相似萬象以
區別森然共盈几坐令開心胸漸覺落塵滓北巖千餘
仞結廬誰家子願陪中峯遊朝暮白雲裏

阮公嘯臺

荒臺森荆杞蒙籠無上路傳是古人跡阮公長嘯處至
今清風來時時動林樹逝者共已遠升攀想遺趣靜然
荒榛門久之若有悟靈光未歇滅千載知仰慕

酬忠公林亭

江外有真隱寂居歲已侵結廬近西術種樹久成陰人
迹乍及戶車聲遙隔林自言解塵事咫尺能輜塵爲道
豈廬霍會靜由吾心方秋院木落仰望日蕭森持我興

來趣采菊行相尋塵念到門盡遠情對君深一談入理窟再索破幽襟安得山中信致書移尚禽

送國子張主簿

湖岬纜初解鶯啼別離處遙見舟中人時時一迴顧坐悲芳歲晚花落青軒樹春夢隨我心悠揚逐君去

和陳校書省中翫雪

芸閣朝來雪飄颻正滿空褰開明月下校理落花中色向懷鉛白光因翰簡融能令草玄者迴思入流風

和崔會稽詠王兵曹廳前湧泉勢城中字

茂德來徵應流泉入詠歌會靈符上善作字表中和有草恒垂露無風欲偃波爲看人共水清白定誰多

賦得听芭臨水發

笑笑傍溪花叢叢逐听斜朝開川上日夜發浦中霞照
灼如臨鏡葦茸勝浣紗來春武陵道幾樹落仙家

武陵桃源送人

武陵川徑入幽遐中有鷄犬秦人家先時見者爲誰耶
源水今流桃復花

丁仙芝

仙一作先

丁仙芝曲阿人登開元進士第爲餘杭尉詩十四首

和薦福寺英公新構禪堂

上人久棄世中道自忘筌寂照出羣有了心清衆緣所
以於此地築館開青蓮果藥羅砌下煙虹垂戶前咒中

灑甘露指處流香泉禪遠目無事體清宵不眠枳聞廬
山法松入漢陽禪一枕西山外虛舟常浩然

贈朱中書

十年種田濱五湖十年遭澇盡爲蕪頻年井稅常不足
今年緡錢誰爲輸東鄰轉穀五之利西鄰販繒日已貴
而我守道不遷業誰能肯敢效此事紫微侍郎白虎殿
出入通籍迴天眷晨趨綵筆柏梁篇畫出雕盤大官膳
會應憐爾居素約可卽長年守貧賤

戲贈姚侍御

繁霜曉幕鳴柏烏待子獸炭然金爐重門啓鎖紫髯胡
新披驄馬隴西駒頭戴獬豸急晨趨明光殿前見天子

今日應彈倅倅夫

餘杭醉歌贈吳山人

曉幕紅襟燕春城白項烏
只來梁上語不向府中趨
城頭坎坎鼓聲曙滿庭新種櫻桃樹
桃花昨夜撩亂開當軒發色映樓臺
十千兌得餘杭酒二月春城長命杯酒
後留君待明月還將明月送君回

京中守歲

守歲多然燭通宵莫掩扉
客愁當暗滿春色向明歸
玉斗巡初匝銀河落漸微
開正獻歲酒千里間庭闈

○渡揚子江

桂楫中流望空波兩畔明
林開揚子驛山出潤州城
海

盡邊陰靜江寒朔吹生更聞風葉下淅瀝度秋聲

長寧公主舊山池

平陽舊池館寂寞使人愁座卷流黃簾簾垂白玉鉤庭

閑花自落門閉水空流追想吹簫處應隨仙鶴一作騎遊

剡谿館聞笛

夜久聞羌笛寥寥虛客堂山空響不散谿靜曲宜長草

木生邊氣城池泛一作運夕涼虛然異風出髣髴宿平陽

越裳貢白雉一作孫昌胤詩

聖哲承一作符休運伊夔列上台覃恩丹徼遠入貢素暈來

北闕欣初見南枝顧未迴歛容殘雪淨嬌翼片雲開馴

擾將無懼翻飛幸不猜一作莫猜甘從上林苑一作苑裏飲啄自徘徊

江南曲五首

長干斜路北，近浦是兒家。
有意來相訪，明朝出浣紗。
發向橫塘口，船開值急流。
知郎舊時意，且請攏船頭。
昨暝逗南陵，風聲波浪阻。
入浦不逢人，歸家誰信汝。
未曉已成妝，乘潮去茫茫。
因從京口渡，使報邵陵王。
始下芙蓉樓，言發瑯琊峴。
急為打船開，惡許傍人見。

句

窮花常閉戶，秋城聞搗衣。
樹迴早秋色，川長遲落暉。

見吟窗雜錄

蔡隱丘

蔡隱丘曲阿人，緱氏主簿善書詩一首。

石橋琪樹

文苑作蔡隱石萬首絕句作增隱丘詩

山上天將近、人間路漸遙、誰當雲裏見、知欲渡仙橋。

句

整巾千嶂簪、曳履百泉鳴。

蔡希周

蔡希周曲阿人監察御史詩一首

奉和扈從溫泉宮承恩賜浴

天行雲從指驪宮、浴日餘波錫詔同、綵殿氤氳擁香溜、紗窻宛轉閉和風、來將蘭氣衝皇澤、去引星文捧碧空、自憐遇坎便能止、願托仙槎路未通。

蔡希寂

御定全唐詩 二句 蔡隱丘 蔡希周 蔡希寂 九 雙峰書屋

蔡希寂曲阿人希周弟爲渭南尉

一云濟南人官至金部郎中

詩五首

包融案

同家兄題渭南王公別業

好閑知在家退跡何必深不出人境外蕭條江海心
軒車自來往空明石作對清陰川浹將釣玉鄉亭期散金
素暉射流瀨翠色懸森林曾爲詩書癖寧惟耕稼任吾
兄許微尚枉道來相尋朝慶老萊服夕閑安道琴文章
遙頌美寤寐增所欽既鬱蒼生望明時豈陸沉

登福先寺上方然公禪室

名都標佛刹梵構臨河干舉目上方峻森森青翠攢步
登諸劫盡忽造浮雲端當暑敞扃闔却嫌絺綌給寒禪房
最高頂靜者殊閑安疎雨向空城數峯簾外盤午鍾振

衣坐招我同一餐，真味雜飴露。象香唯莛蘭，晚來恣僊。
俛茶菓仍留歡。

陝中作

西別秦關近，東行陝服長。川原餘讓畔，歌吹憶遺棠。
河水流城下，山雲起路傍。更憐棲泊處，池館繞林篁。

洛陽客舍逢祖詠留宴

緜緜鍾漏洛陽城，客舍貧居絕送迎。逢君貰酒因成醉，
醉後焉知世上情。

贈張敬微

敬一作鐘

大河東北望桃林，雜樹冥冥結翠陰。不知君作神仙尉，
特訝行來雲霧深。

張潮一作朝

張潮曲阿人大曆中處士詩五首

江風行一作長子行

嗒貧如珠玉，富如埃塵。貧時不忘舊，富日一作費多寵新。

妾本富家女，與君為偶匹。一作念好一作汝一何深，中門不會

出。妾有繡衣裳，歲製金縷光。念君貧且一作興賤，易此從遠

方。遠方三千里，思君心未已。一作三千路役日暮情更來，空

望去時水。孟夏麥始秀，江上多南風。商賈歸欲盡，君今

尚一作向巴東。巴東有巫山，窈窕神女顏。常恐遊此方，一作山果

然不知還。

襄陽行

玉盤轉明珠君心無定準昨見襄陽客剩說襄陽好無
盡襄漢水峴山垂漢水東流風北吹只言一世長嬌寵
那悟今朝一作夕見別離君渡清羌渚知人獨不語妾見鳥
一作木棲林憶君相思深莫作雲間鴻離聲顧儔侶尚如匣
中劍分形會同處是君婦識君情怨君恨君爲此行下
牀一宿不可保况乃萬里襄陽城襄陽傳近大堤北君
到襄陽莫回一作迷惑大堤諸女兒憐錢不憐德

采蓮詞

朝出沙頭日正紅晚來雲起半江中
賴逢鄰女曾相識並著蓮舟不畏風

江南行

茨一作蒹一作爛別西灣蓮子花開一作猶未還妾夢不離江

水上一作人傳郎在鳳凰山

長干行一作李白詩
一作李益詩

憶昔深閨裏煙塵不曾識嫁與長干人沙頭候風色五

月南風興思君下巴江一作陵八月西風起想君發楊子去

來一作悲如何見少離別多湘潭幾日到妾處一作越一作風波

昨夜狂風度吹折江頭樹森森暗無邊行人在何處北

客真一作三公朱衣滿江中薄一作暮來投宿數朝不肯東

今本無以好乘浮雲驄佳期蘭渚東鴛鴦綠浦上翡翠錦

屏中自憐十五餘顏色桃花紅那作商人婦愁水復愁

風

句

寒林苞晚橘。風絮露垂楊。紀事 又見周瑀詩中

張暈一作暈

張暈曲阿人。開元二十三年進士。為蕭穎士同年生。官校書郎。詩二首。

遊一作題棲霞寺

躋險入幽林。翠微含竹殿。泉聲無休歇。山色時隱見。潮來雜風雨。梅落成霜霰。一從方外遊。頓覺塵心變。

絕句

茫茫煙水上。日暮陰雲飛。孤坐正愁緒。湖南誰擣衣。

周瑀

周瑀曲阿人吏部常選詩三首

○潘司馬別業

門對青山近汀牽綠草長寒深包一作晚橘風繁落垂楊
湖畔聞漁唱天邊數雁行蕭然有高士清思滿書堂

送潘三入京

故人嗟此別相送出煙垞柳色分官路荷香入水亭離
歌未盡曲酌酒共忘形把手河橋上孤山日暮青

臨川山行

朝見青山雪暮見青山雲雲山無斷絕秋思日紛紛

談戴

談戴曲阿人長州尉詩一首

清谿館作

指途清谿裏。左右唯深林。雲蔽望鄉處。雨愁爲客心。遇人多物役。聽鳥時幽音。何必滄浪水。庶茲浣塵襟。

清清江潭樹。日夕增所思。

殷遙

殷遙句容人。天寶間中王府曹叅軍。詩五首。

塞上

萬里隕城在。三邊虜氣衰。沙填孤嶂角。燒斷故關碑。馬色經寒慄。鵬聲帶晚悲。將軍正鸞暇。留客換歌辭。

送友人下第歸省

一作劉得仁詩

君此中行田高堂應夢歸莫將和氏淚滴著老萊衣嶽
雨連河細田禽出麥飛到家調膳後吟好送斜暉

送杜士瞻楚州觀省

風流與才思俱似晉時人淮月歸心促江花入興新雲
深滄海暮柳暗白門春共道官猶小憐君孝養親

友人山亭

故人雖一作從薄宦往往涉清溪鑿牖對山月褰裳拂澗霓
遊魚逆水上宿鳥向風棲一見桃花發能令秦漢迷

春晚山行一無春
晚二字

寂歷青山晚山行趣不稀野花成一作垂子落江燕引雛飛
暗草薰苔徑一作清晴楊掃一作拂石磯俗人猶語此余亦轉忘

歸

沈如筠

沈如筠句容人橫陽主簿詩四首

寄張徵古

寂歷遠山意微冥半空碧綠蘿無冬春彩雲竟朝夕張
子海內奇久一作可為巖中客聖君當勞一作勞夢想安得老松石

閨怨二首

鴈盡書難寄愁多夢不成願隨孤月影流照伏波營
隴底嗟長別流襟一動君何言幽咽所更作死生分

寄天台司馬道士

河洲花艷爛庭樹光彩禱白雲天台山可思不可見

句

思酸寒鴈斷淅瀝秋樹空
漁陽燕舊都美女花不如

見吟窗

雜錄

孫處玄一作立

孫處玄江寧人則天長安中官左拾遺神龍初論時事
不合歸里開元初薦不起詩二首

詠黃鶯

一作鄭悖詩
又作鄭縉

欲轉聲猶澁將飛羽未調高風不借便何處得遷喬

失題

漢家輕壯士無狀殺彭王一遇風塵起令誰守四方

句

殘花與露落隋葉隨風翻
日側南澗幽風凝北林暮

徐延壽 徐一作余

徐延壽江寧人開元間處士詩三首

折楊柳

大道連國門東西種楊柳
葳蕤君不見嫋娜垂來久
綠枝樓暝禽雄去雌獨吟
餘花怨春盡微月起秋陰
坐望窗中蝶起攀枝上葉
好風吹長條婀娜何如妾
妾見柳園新高樓四五春
莫吹胡塞一作曲愁殺隴頭人

南州行

搖艇至南國國門連大江
中洲西一作邊岫數步一垂楊

金釧越溪女羅衣胡粉香
織縑春卷幔采葳暝提筐
弄

御定全唐詩 二函 徐延壽 樊光 七五 雙峰書

琴嬌垂幌迎人笑下堂河頭浣衣處無數紫鴛鴦

人日剪綵

閨婦持刀坐自憐裁剪新葉催情綴色花寄手成春帖
燕留妝戶黏鷄待餉人擎來問夫婿何處不如真

樊晃

一作光

樊晃句容人硤石主簿詩一首

南中感懷

南路蹉跎客未回常嗟物候暗相催四時不變江頭草
十月先開嶺上梅

句

巧裁蟬鬢畏風吹盡作蛾眉恐人妬

全唐詩

李愷

李愷太原文水人舉明經開元初爲咸陽尉張說爲并
州長史太平軍大使時引愷常在幕下後爲宇文融判
官括田課最遷監察御史歷給事中河南少尹天寶初
出爲清河太守改尚書右丞京兆尹轉光祿卿東都留
守遷禮部尚書安祿山陷長安遇害贈司徒諡忠烈詩
三首

和戶部楊員外伯成寓直

落日彌綸地公才畫省郎詞驚起草筆坐引護衣香雙
闕天河近千門夕漏長遙知臺上宿不獨有文強

同望幸新亭賜錢公宴

感夢通玄化，覃恩降紫宸。
賜錢開漢府，分帛醉堯人。
地隔朝宗慶，亭臨卜洛新。
行看廣雲雨，二月次東巡。

奉和聖製從蓬萊向興慶閣道中留春雨中春
望之作應制

別館春還淑氣催，三宮路轉鳳皇臺。
雲飛北闕輕陰散，雨歇南山積翠來。
御柳遙隨天仗發，林花不待曉風開。
已知聖澤深無限，可喜年芳入睿才。

李邕

李邕字泰和，廣陵江都人。蘭臺郎善之子。長安中，李嶠、張廷珪薦其詞高行直，拜左拾遺。宋璟劾奏二張邕於

天后前抗言助之。開元初歷殿中侍御史執政忌其才
頗被貶斥。後爲北海太守。李林甫傳以罪杖殺之。邕早
擅才名。尤長碑頌。雖貶職在外。中朝衣冠及天下寺觀
多齎金帛。往求其文。餽遺至鉅萬。自古鬻文獲財。未有
其比。嘗撰六公詠。杜甫八哀詩。所謂朗詠六公篇。憂來
發蒙蔽是也。今不傳存詩四首。

銅雀妓

西陵望何及。弦管徒在茲。誰言死者樂。但令生者悲。丈
夫有餘志。兒女馬足私。擾擾多俗情。投迹互相師。直節
豈感激。荒淫乃淒其。潁水有許由。西山有伯夷。頌聲何
寥寥。唯聞銅雀詩。君舉良未易。永爲後代嗤。

詠雲

綵雲驚歲晚。繚繞孤山頭。散作五般色。凝爲一段愁。影
雖沈澗底。形在天際遊。風動必飛去。不應長此留。

登歷下古城員外孫新亭

亭對龍河時李之芳自尚書
書卽出爲齊州製此亭

吾宗固神秀。體物寫謀長。形制開古跡。曾冰延樂方。太
山雄地理。巨壑眇雲莊。高興汨煩促。永懷清典常。含弘
知四大。出入見三光。負郭喜一作皆秔稻。安時歌吉祥。

○奉和初春幸太平公主南莊應制

傳聞銀漢支機石。復見金輿出紫微。織女橋邊鳥鵲起。
仙人樓上鳳凰飛。流風入座飄歌扇。瀑水侵堦濺舞衣。
今日還同犯牛斗。乘槎共逐一作海潮歸。

王灣

王灣，洛陽人。登先天進士第。開元初，爲滎陽主簿。馬懷素請校正羣籍，召學涉之士分部譔次。灣在選中，祕書罷譔，又與陸紹伯等同校麗正院書。終洛陽尉。灣詞翰早著，其海日生殘夜，江春入舊年之句，當時稱最。張說手題於政事堂，每示能文，令爲楷式。詩十首。

奉使登終南山

常愛南山遊，因而盡原隰。數朝至林嶺，百仞登鬼皮。石壯一作狀馬徑一作經，窮苔色步緣。人物奇春狀一作貌，改氣遠天香。集虛洞策杖，鳴低雲拂衣。濕倚巖見廬，舍入戶欣拜。揖問性矜勤，勞示心教澄。習玉英時共飯，芝草爲余拾。境

絕人不行潭深鳥空立一乘從此投九轉兼是給辭處

若輕飛憩來唯吐吸閑一作開襟超已勝迴路倏而及煙色

松上深水流山下急漸平逢車騎向晚睨城邑峯在野

趣繁塵飄宦情澁一作緝辛苦久為吏勞生一作業何妄執日暮

懷此山悠然賦斯一作新什

晚下馬嵬一作升啣叔池亭即事寄京都一二知己

忝職畿甸淹濫陪時俊一作英後才輕策疲劣勢薄常驅走

牽役勞風塵秉心在巖藪宗賢開別業形勝代希偶竹

繞清渭濱一作溜泉流白渠口逡巡期賞會揮忽變星斗逮

此乘務閑一作餘因而訪幽叟入來殊景物行復洗紛垢林

靜秋色多潭深月光厚盛香蓮近拆新味瓜初剖滯拙

懷隱淪書之寄良友

麗正殿賜宴同勒天前煙年四韻應製

金殿忝陪賢瓊羞忽降天鼎羅仙掖裏觴拜瑣闥前院
逼青霄路厨和紫禁煙酒酣空怵舞何以荅昌年

奉和賀監林月清酌

華月當秋滿朝英

一作軒

假輿同淨林新霽入規

一作現

院小

一作早

涼通碎影行筵裏
搖花落酒中清宵凝爽意併此助文
雄

○次北固山下

客路青山外行舟綠水前
潮平兩岸濕風正一帆懸
海

○日生殘夜江春入舊年
鄉書何處達歸雁洛陽邊

何遜詩 靈集題

作江南意詩云南國多新意東行伺早天潮平兩岸失風正
數帆懸海日生殘夜江春入舊年從來觀氣象惟向此中偏

觀擗箏一作詠詩

虛室有秦箏。箏新月復清。弦多弄委曲。柱促語分明。曉
怨凝繁手。春嬌入曼一作慢聲。近來惟此樂。傳得美人情。

晚春詣蘇州敬贈武員外

蘇臺憶季常。飛權歷江鄉。持此功曹掾。初離一作緜華省郎。

貴門生禮樂。明代秉文章。嘉郡一作壁位先進。鴻儒名重揚。

爰從姻婭一作戚貶。豈失忠信防。萬里行躡一作無足。十年睽鳳

翔。迴遷翊元聖。入拜佇惟良。別業對南浦。羣書滿北堂。

意深投轄盛。才重接筵光。陋學叨鉛簡。弱齡許翰場。神

馳勞舊國。顏展別殊方。際曉雜氛散。殘春衆物芳。煙和

疎樹滿雨續小谿長旅拙感成慰通賢顧不忘從來琴
曲罷開匣爲君張

秋夜寓直卽事懷贈蕭令公裴侍郎兼通簡南
省諸友人

聖主萬年興賢臣數載升古靈傳嶽秀宏量稟川澄畿
甸舉長策風霜秉直繩出車遙俗震登閣滿朝清賦簡
流亡輯農安政理憑還家新長幼巡壠舊溝塍忠梗大
勛立寰瀛一作衰羸隋業懲焚香兼御史懸鏡委中丞
旗隼當朝立臺驄發部乘司徒漢家重國典賴川徵雲
路俄平入台階忽上凌乘鈞調造化宜綽慰黎烝金省
方秋作瑤軒直夜凭中書贈陳準右相簡王陵三傑賢
更穆百

僚歡且兢搖懷及賓友計曲辨淄澠閭闔踴陰散鉤陳
爽氣凝月深宮樹轉河近禁樓冰甲吏夙驅策微涓效
斗升望麾宵繼火書板一作檄曙懷蒸彼此雖流盼規模轉
服膺惠將霽漢隔勞或歲時矜位重恩寧濫才輕懾不
勝林巒甘獨往疵賤苦相仍敢忘銜花雀思同附驥蠅
平生逐鳥雀何日嗣一作似蒼鷹

哭補闕亡友綦母學士

明代資多士儒林得異才書從金殿出人向玉墀來詞
學張平子風儀褚彥回崇儀希上德近侍接元台曩契
心期早今遊宴賞陪屢遷君擢桂分尉我從梅忽遇乖
輶客云傾構厦材泣爲涸水化歎作泰山頽冀善初將

慰尋言半始猜位聯情易感交密痛難裁遠日寒庭暗
長風古挽哀寰中無舊業行處有新苔反哭魂猶寄終
喪子尚孩塋田門吏給墳木路人栽遠渡悲成往倣傳
罷令迴玄經貽石室朱紱耀泉臺地古春長閉天明夜
不開登山一臨哭揮淚滿蒿萊

閏月七日織女

耿耿曙河微神仙此夜一作會稀今年七月閏應得兩回歸

句

月華照杵空隨妾風響傳砧不到君

倚衣篇見
阿嶽英靈集

史青

史青零陵人聰敏強記開元初上書自薦能詩云子建

七步臣五步之內可塞明詔明皇試以除夕上元竹火
籠等詩應口而出上稱賞授左監門衛將軍今存詩一
首

應詔賦得除夜

一作王
諲詩

今歲今宵盡明年明日催
寒隨一夜去春逐五更來
氣色空中改容顏暗裏回
風光人不覺已著一作後園梅

王泠然

王泠然開元五年登第王丘興吏部選時嘗被獎拔官
校書郎急於仕進有上張說書稱公之用人蓋已多矣
僕之思用其來久矣僕雖不佞亦相公一株桃李也詩

四首

汴堤柳一本作題
河邊枯柳

隋家天子憶揚州，厭坐深宮傍御游。穿地鑿山開御路，

鳴笳疊鼓泛清流。流從鞏北分河一作河汾口，直到淮南種官

柳。功成力盡人旋亡，代一作運謝年移樹。空有當時綵女侍

君王，繡帳一作帳旌門對柳行。青葉交垂連幔色，白花飛度

染衣香。今日摧殘何用道，數里曾無一枝好。驛騎征帆

損更多，山精野魅藏應老。涼風一作秋八月露為霜，日夜

孤舟入帝鄉。河一作落葉畔時時聞木落，客中無不淚沾裳一作

無個不
沾裳

夜光篇

遊人夜到汝陽間，夜色冥濛不改顏。誰家暗起寒山燒，

御定全唐詩
卷之八
自然
三
卷之八

因此明中得見山山頭山下須臾滿歷險緣深無暫斷
焦聲散著羣樹鳴炎氣傍林一川暖是時西北多海風
吹上連天光更雄濁煙熏月黑高豔燕雲紅初謂煉丹
仙竈裏還疑鑄劍神谿中割爲飛電來照物乍作流星
併上空西山無草光已滅東頂熒熒猶未絕沸湯空谷
數道水融蓋一作盡陰崖幾年雪兩京貧病若爲居四壁皆
成鑿照餘未得貴游同秉燭唯將半影借披書

古木卧平沙

古木卧平沙摧殘歲月華有根橫水石無葉拂煙霞春
至苔爲菜冬來雪作花不逢星漢使誰便是靈槎

淮南寄舍弟

昔予從不調。經歲旅淮源。念爾長相失。何時反故園。寄
書迷處所。分袂隔涼溫。遠道俱爲客。他鄉共在原。歸情
春伴雁。愁泣夜隨猿。愧見高堂上。朝朝獨倚門。

句

林狹欺童子。山精試老僧。

山寺

陳兵劔閣山。將動飲馬


珠江水不流。

詠八陣圖送人。以上並見詩式。

官徵思倚玉。文淺怯投珠。

贈張

公子協律見
上張說書



Vertical text on the left side of the page, appearing as faint bleed-through or ghosting from the reverse side. The characters are mostly illegible due to fading and the texture of the paper, but some faint outlines of vertical columns are visible.

全唐詩

張子容

張子容先天二年擢進士第爲樂城尉與孟浩然友善
詩一卷

春江花月夜二首

林花發岸口氣色動江新此夜江中月流光花上春分
明石潭裏宜照浣紗人

交甫憐瑤珮仙姬難重期沈沈綠江晚惆悵碧雲姿初
逢花上月言是弄珠時

雲陽驛陪崔使君邵道士夜宴

一尉東南遠誰知此夜歡諸侯傾皂蓋仙客整黃冠梁

翰燈花滿。飛觴雲氣寒。欣承國士遇。更借美人看。

除夜樂城逢孟浩然

遠客襄陽郡。來過海岸家。樽開一作前柏葉酒。燈發九枝花。

妙曲逢盧女。高才得孟嘉。東山行樂意。非是競繁一作華華。

送蘇倩遊天台

靈異尋滄海。笙歌訪翠微。江鷗迎共一作近狎。雲鶴待將飛。

琪樹膏一作琴仙果。瓊樓一作枝試羽衣。遙知神女問。獨怪阮郎

歸

泛永嘉江日暮迴舟

無雲天欲暮。輕一作轉鷁大江清。歸路煙中遠。迴舟月上行。

傍潭窺竹暗。出嶼見沙明。更值微風起。乘流絲管聲。

永嘉卽事寄贛縣袁少府權

山繞樓臺出谿通里閤斜曾爲謝客郡多有逐臣家海
氣朝成雨江天嘯作霞題書報賈誼此濕似長沙

樂城歲日贈孟浩然

一作王維

土地窮甌越風光肇建寅插桃銷瘴癘移竹近堦墀半
是吳風俗仍爲楚歲時更逢習鑿齒言在漢川湄

永嘉作

拙宦從江左投荒更海邊山將孤嶼近水共惡谿連地
濕梅多雨潭蒸竹起煙未應悲晚髮炎瘴苦華年

送孟八浩然歸襄陽二首

東越相逢地西亭送別津風潮有解纜雲一作海去愁一作

人鄉在桃林岸山一作連楓樹春囚一作長懷故園意歸與孟

家鄰

杜門不欲一作復出久與世情疎以此為長策勸君歸舊廬

醉歌田舍酒笑讀古人書好是一生事無勞獻子虛此篇

一作王

雜詩

○ 貶樂城尉日作

竄謫邊窮海川原近惡谿有時聞虎嘯無夜不猿啼地
暖花長發巖高田易低故鄉可憶處遙指斗牛西

自樂城赴永嘉枉路泛西湖寄松陽李少府

西行礙淺石北轉入谿橋樹色煙輕重湖光風動搖百
花亂飛雪萬嶺疊青霄猿掛臨潭篠鷗逐出浦橈淮煙

賞心客。茲路不言遙。

九日陪潤州邵使君登北固山

五馬向西一作重陽坐麗譙。徐州帶綠水。楚國在青霄。

張幕連江樹。開筵接海漚。凌雲詞客詣。迴雪舞人嬌。一作

梅福慙仙吏。羊公賞下僚。新豐酒舊美。况是菊花朝。

壁池望秋月

涼夜窺清沼。池空水月杳。滿輪沈玉鏡。半魄落銀鈎。蟾

影搖輕浪。菱花渡淺流。漏移光漸潔。雲斂色偏浮。似壁

悲三獻。疑珠怯再投。能持千里意。來照楚鄉愁。

○長安早春一作五

開國維一作東并城池起一作北辰。咸歌太平日。共樂建寅

御定全唐詩 二 張子 三 雙

御定全唐詩 二四 七冊 三 雙龍書屋

春雪一作雲盡黃一作青山樹水開照冰津一作冰草遯金珂馬花伴

醉王樓人鴻漸看無數鶯歌一作聽欲頻何當桂枝擢還

及柳條新

贈司勳燕郎中

作相開黃閣為郎奏赤墀君臣道合體父子貴同時國

以推賢答家無內舉疑鳳池真水鏡蘭省得華滋未覩

風流日先聞新一作賦詩江山清謝朓花木媚丘遲吏部

來何暮王言念在茲丹青無不可霖雨亦相期昔我投

荒處孤煙望島夷羣鷗終日狎落葉數年悲漁父留歌

詠江妃入興詞今將獻知日相感勿吾欺

玉山

巫嶺岩巖天際重。佳期宿昔願相從。朝雲暮雨連天隔。
神女知來第幾峰。

除日

臘月今知曉。流年此夕除。拾樵供歲火。帖牖作春書。柳
覺東風到。花疑小雪餘。忽逢雙鯉贈。言是上冰魚。

後漢書卷之二十四
七州
三

武東風臣許

以今臣

新日

麻文昭來

巫靜安建天

全唐詩

張旭

張旭蘇州吳人嗜酒善草書每醉後號呼狂走乃下筆
或以頭濡墨而書既醒自視以為神世呼為張顛初仕
為常熟尉自言始見公主擔夫爭道又聞鼓吹而得筆
法意觀公孫大娘舞劍器乃盡其神時以李白歌詩旭
草書及裴旻劍舞為三絕詩六首

清谿泛舟

旅人倚征櫂薄暮起勞歌
笑攬清谿月清輝不厭多

桃花谿

隱隱飛橋隔野煙石磯西畔問漁船
桃花盡日隨流水

全唐詩 卷一百一十五 張旭 雙峰書屋

洞在清谿何處邊

山行留客

山光物態弄春輝。莫爲輕陰便擬歸。縱使晴明無取色。入雲深處亦沾衣。

春遊值雨

欲尋軒檻列清尊。江上煙雲何晚昏。須倚東風吹散雨。明朝却待入華園。

春草

春草青青萬里餘。邊城落日見離居。情知海上三年別。不寄雲間一紙書。

柳

濯濯煙條拂地垂。城邊樓畔結春思。請君細看風流意。
未減靈和殿裏時。

賀朝

賀朝越州人官止山陰尉詩八首

南山

一作賀朝清詩

湖北雨初晴。湖南山盡見。巖巖石帆影。如得海風便。仙
穴茅山峯。彩雲時一見。邀君共探此。異錄殘幾卷。

孤興

晴日暖珠箔。天桃色正新。紅紛青鏡中。娟娟可憐頰。君
子在遐險。蕙心誰見珍。羅幕空掩畫。玉顏靜移春江瑟。
語幽獨。再三情未申。黃鶴千里翅。芳音遲所因。

即定全唐詩

二句賀朝

從軍行

朔胡乘月寇邊城軍書插羽刺

一作賜

中京天子金壇拜飛

將單于玉塞振佳兵騎射先鳴拍任俠龍韜決勝佇時
英聞有河湟客悄悄理帷帟常山敢霸圖汜水先天策
銜珠浴鐵向桑乾纓旗膏劍指烏丸鳴鷄已報關山曉
來雁遙傳沙塞寒直爲甘心從苦節隴頭沈水鳴嗚咽
邊樹蕭蕭不覺春天山漠漠長飛雪魚鱉陣接塞雲平
雁翼營通海月明始看晉幕飛鴛入旋聞齊壘啼鳥聲
自從一戍燕支山春光幾度晉陽關金河未轉青絲騎
玉筋應啼紅粉顏鴻歸燕相續池邊芳草綠已見氛清
細柳營莫更春歌落梅曲烽沈竄滅靜邊亭海晏山空

肅已寧行望鳳京旋凱捷從來麟閣畫丹青

賦得遊人久不歸

一作劉孝孫詩
又作賀朝清

鄉關眇天末引領悵懷歸
羈旅久淫滯物色屢芳菲
稍覺出意盡行看蓬鬢稀
如何千里外佇立霑裳衣

宿香山閣

一作賈彥璋詩

暝上^{一作望}春山閣梯雲宿半空
軒窗閉潮海枕席拂煙虹
朱網防棲鷓紗燈護夕蟲
一聞鷄唱曉已見日瞳曨

贈酒店胡姬

胡姬春酒店弦管夜鏘鏘
紅氍鋪新月貂裘坐薄霜
玉盤初鱸鯉金鼎正烹羊
上客無勞散聽歌樂世娘

賦得春鶯送友人二首

一作劉孝孫詩題作
一首後四句在前

御定全唐詩 二函 賀朝 萬齊融 三

翅掩飛鶯舞啼惱婕妤好悲料取金闈意因君問所思
流鶯拂繡羽二月上林期待雪銷金禁銜花向玉墀

萬齊融

萬齊融越州人官崑山令詩四首

按舊唐書文苑傳云神龍中賀知章與賀朝萬齊融張若虛邢

巨包融俱以吳越之王文辭俊秀名揚於上京人間往往傳其文朝乃止山陰尉齊融崑山令蓋以萬字屬上文作賀朝萬及考唐人所選國秀搜玉二集俱作萬齊融賀朝今仍之

三日一作綠潭篇

春潭滉漾接隨宮宮闕連延潭水東蘋苔一作嫩色涵波

綠桃李新花照底一作木紅垂髮布藻如妝鏡麗日晴天相

照映素影沈沈一作纈對蝶飛金沙礫礫窺魚泳佳人被禱

賞韶年傾國傾城併可憐拾翠總來芳樹下踏青爭遶

綠潭邊公子王孫恣遊翫沙陽水曲情無厭禽浮似
挹羽觴杯鱗躍疑投水心劔金鞍玉勒騁輕肥落絮紅
塵擁路飛綠水殘霞催席散晝樓初月待人歸

伏劔行

昨夜星官動紫微今年天子用武威登車一呼風雷動
遙震陰山撼巍巍胡驕子當見旄頭蝕應死願騎單馬
仗天威採取長繩縛虜歸仗劔遙叱路傍子匈奴頭血
濺君衣

贈別江頭

東南飛鳥處言是故鄉天江上風花晚君行定幾千計
程頻破月數別屢開年明歲潯陽水相思寄采蓮

送陳七還廣陵

風流誰代一作民子，雖有舊無雙。
飲酒言相送，愁弦意不降。
落花馥河道，垂楊拂水窗。
海潮與春夢，朝夕廣陵江。

邢巨

邢巨揚州人，開元七年中文辭雅麗科，官監察御史詩
二首

遊春

海岳三峯古，春皇二月寒。
綠潭漁子釣，紅樹美人攀。
弱蔓環沙嶼，飛花點石關。
谿山遊未厭，琴酌弄晴灣。

遊宣州琴谿同武平一作

靈谿非人迹，仙意素所秉。
鱗嶺森翠微，澄潭照秋景。

張若虛

張若虛揚州人。兗州兵曹與賀知章、張旭、包融號吳中四士。詩二首。

○春江花月夜

春江潮水連海平，海上明月共潮生。
滌滌隨波千萬里，
何處春江無月明。
江流宛轉繞芳甸，月照花林皆似霰。
空裏流霜不覺飛，汀上白沙看不見。
江天一色無纖塵，皎皎空中孤月輪。
江畔何人初見月，江月何年初照人。
人生代代無窮已，江月年年祇相似。
不知江月待何人，但見長江送流水。
白雲一片去悠悠，青楓浦上不停流。
誰家今夜扁舟子，何處相思明月樓。
可憐樓上月裴

回應照離人妝一作鏡臺玉一作簾中卷不去
擣衣砧上拂還來此時相望不相聞
還逐月華流照君鵲雁長飛光不度
魚龍潛躍水成文昨夜閑潭夢落花
可憐春半不還家江水流春去欲盡
江潭落月復西斜斜月沈沈藏海霧
碣石瀟湘無限路不知乘月幾人歸
落月搖清滿江樹

代答聞夢還

關塞年華早樓臺別望遙
試衫著煖氣開鏡覓春暉
燕入窺羅幕蜂來上畫衣
情催桃李豔心寄管弦飛
妝洗朝相待風花暝不歸
夢魂何處入寂寂掩重扉

薛業天寶間處士西遊廬山趙補闕驊王侍御定張許
事有略各以文爲贈獨孤及嘗稱其敦於詩困於學敏
於行口弗言祿祿亦不及識其真者以爲永歎詩二首
洪州客舍寄柳博士芳

去年燕巢主人星今年花發路傍枝年年爲客不到舍

一作歸去舊國存亡那得知胡塵一起亂天下一作天何處春風

無別離

晚秋贈張折衝此公事制舉

都尉今無事時清但閉關夜霜戎馬瘦秋草射堂一作閑

位以穿楊得名因折桂還馮唐眞不遇歎息鬢毛斑

全唐詩

孫逖

孫逖河南人開元中三擢甲科擢左拾遺表舉幕職入
爲集賢院修撰改考功員外郎遷中書舍人典詔詒判
刑部侍郎終太子詹事諡曰文集二十卷今編詩一卷
和左司張員外自洛使人京中路先赴長安逢
立春日贈韋御駟等諸公

拜郎登省闈奉使馳車乘遙瞻使者星便是郎官應臺
妙時相許一作放言皇華德彌稱二陝聽風謠三秦望形勝此
中睽益友是日多詩興寒盡歲陰催春歸物一作華證

和登會稽山

稽山碧湖上勢入東溟盡煙景晝清明九峰爭隱嶙望
中厭朱紱俗內探玄牝野老聽鳴騶山童擁行軫仙花
寒未落古蔓柔堪引竹瀾入山一作多松崖向天近雲從
海天去日就江村隕能賦丘嘗聞和歌參不敏冥搜信
冲漠多士翔標準云已濯纓心長謏反招隱

送楊法曹按括州

東海天台山南方縉雲驛

一作國

溪澄

一作澄清

問人隱巖險煩登

陟潭壑隨星使軒車繞春色儻尋琪樹人爲報長相憶

葛山潭

圓潭寫流月晴明涵萬象仙翁何時還綠水空蕩漾涼
哉草木腓白露沾人衣猶醉空山裏時聞笙鶴飛

丹陽行

丹陽古郡洞庭陰
落日扁舟此路尋
傳是東南舊都處
金陵中斷碧江深
在昔風塵起京都
亂如燬雙闕戎虜
間千門戰塲裏
傳聞一馬化爲龍
南渡衣冠亦願從
石頭橫帝里京口
拒戎鋒青楓林下
迴天蹕杜若洲前
轉國容都門不見
河陽樹輦道惟聞
建業鐘中原悠悠
幾千里欲掃攙搶
未云已英雄傾奪
何紛然一盛一衰
如逝川可憐宮觀
重江裏金鏡相傳
三百年自從龍見
聖人出六合車書
混爲一昔年王氣
今何在俱向長安
就堯曰荆榛古木
閉荒阡其道餘華
不復全赤縣唯餘
江樹月黃圖半人
海人煙暮來山水
登臨遍覽古愁吟
淚

如霞唯有空城多白雲春風淡湯無人見

山陰縣西樓

都邑西樓芳樹間
逶迤霽色遶江山
山海月夜從公署
出江雲晚對訟庭
還誰知春色朝朝
好二月飛花滿江
草一見湖邊楊柳
風遙憶青青洛陽
道

夜宿浙江

扁舟夜入江潭泊
露白風高一作秋氣蕭索
富春渚上朝未
還天姥岑邊月初
落煙水茫茫多苦
辛更聞江上越人
吟洛陽城闕何時
見西北浮雲朝暝
深

春日留別

春路逶迤花柳前
孤舟晚泊就人煙
東山白雲不可見

西陵江月夜娟娟。春江夜盡潮聲度。征帆遙從此中去。
越國山川看漸無。可憐愁思江南樹。

○奉和四月三日。上陽水窗賜宴應制得春字。

今日逢初夏。歡遊續舊旬。氣和先作雨。恩厚別成春。
鳳吹臨清洛。龍輿下紫宸。此中歌在藻。還見躍潛鱗。

奉和登會昌山應制

巖磴列雲旗。吾君訪道時。乾行萬物覩。日馭一作六龍運。
望遠迴天顧。登高動睿詞。願因山作壽。長保會一作昌昌期。

正月十五日夜應制一作沈全詩

洛城一作陽三五夜。天子萬年春。綵仗移雙闕。瓊筵會九賓。

舞成蒼韻字。燈作法王輪。不覺東方白。一作暹垂延一作隨一作調藻。

御定全唐詩 二 孫 孫 雙峰書屋

柳新

○奉和御製登鴛鴦樓即目一作應制

玉輦下離宮。瓊樓上半空。方進五年狩。更闢四門聽。井

邑觀秦野。山河念禹功。停鑾留春作。軒檻起南風。

進船泛洛水。應制一作薛春感詩

禁園紆睿覽。仙櫂叶時遊。洛北風花樹。江南彩畫舟。芳

生蘭蕙草。春入鳳凰樓。興盡離宮暮。煙光起夕流。

和常州崔使君寒食夜

聞道清明近。春庭一作闌向夕蘭。行遊晝不厭。風物夜宜看。

斗柄更初轉。梅香暗裏殘。無勞秉華燭。清一作晴月在南端。

和韋兄一作韋尚書春日南亭宴兄弟兄在

臺閣升高位。園林隔舊鄉。忽聞歌棣萼。還比報瓊芳。門
向宜春近。郊連御宿長。德星常有會。相望在文昌。

奉和崔司馬遊雲門寺

繫馬清溪樹。禪門春氣濃。香臺花下出。講道竹間逢。覺
路山童引。經行谷鳥從。更言窮寂滅。回策上南峰。

酬萬八賀九雲門下歸溪中作

晚從靈境出。林壑曙雲飛。稍覺清溪盡。回瞻畫剝微。獨
園餘興在。孤櫂宿心違。更憶登攀處。天香滿一作袖歸。

春初送呂補闕往西嶽勒碑得雲字

刻石記天文。朝推谷子雲。篋中緘聖札。巖下揖神君。語
別梅初豔。爲期草欲薰。往來春不盡。離思莫氛氲。

送越州裴參軍充使入京

日落川徑寒。離心苦未安。客愁西向盡。鄉夢北歸難。霜
果林中變。秋花水上殘。明朝渡江後。雲物向南看。

送周判官往台州

吾宗長作賦。登陸訪天台。星使往看入。雲仙意轉催。飲
冰攀璀璨。驅傳歷莓苔。日暮東郊別。真情去不回。

送魏騎曹充宇文侍御判官分按山南

雲雨陽臺

一作臺南

路光華驛騎巡。勸農開夢土。恤隱惠荆人。

樓迴吟黃鶴。江長望白蘋。觀風布明詔。更是漢南春。

送蘇郎中綿出佐荊州

神仙久留滯。清切佇飛翻。忽佐南方牧。何時西掖垣。高

車自蘭省便道出荆門不見河梁別空銷郢路魂

冬末送魏起居赴京

大名將起魏良史更逢遷驛騎朝丹闕關亭望紫煙西
京春色近東觀物華偏早赴王正月揮毫記首年

送李補闕攝御史充河西節度判官

昔年叨補察邊地亦埋輪官序慙先達才名畏後人西
戎雖獻款上策恥和親早赴前軍一作幕長清外域塵

送趙一作評事攝御史監軍嶺南

議獄持邦典臨戎假憲威風從闔闔去霜入洞庭飛篁
竹迎金鼓樓船引繡衣明年拜一作真月南斗使星歸

送斬十五侍御使蜀

天使出霜臺。行人擇吏才。傳車春色送。離興夕陽催。驛
遶巴江轉。關迎劔道開。西南一何幸。前後二龍來。

送李給事歸徐州觀省

列位登青瑣。還鄉復綠衣。共言晨省日。便是晝遊歸。春
水經梁宋。晴山入海沂。莫愁東路遠。四牡正駢馳。

送杜侍御赴上都

避馬臺中貴。登車嶺外遙。還因貢賦禮。來謁大明朝。地
入商山路。鄉連渭水橋。承恩返南越。尊酒重相邀。

送張環攝御史監南選

漢使得張綱。威名攝遠方。恩霑村下史。榮比選曹郎。江
帶黔中澗。山連峽水長。莫愁炎暑地。秋至有嚴霜。

宴越府陳法曹西亭

公府西巖下。紅亭間白雲。雪梅初度臘。煙竹稍迎曛。水木涵澄景。簾櫳引霽氛。江南歸思逼。春鴈不堪聞。

同邢判官尋龍湫觀歸湖中

星使下仙一作天京。雲湖喜晝晴。更從探穴處。還作櫂歌行。絲管荷風入。簾帷竹氣清。莫愁歸路遠。水月夜虛明。

尋龍湫

仙穴尋遺跡。輕舟愛水鄉。溪流一曲盡。山路九峰長。漁父歌金洞。江妃舞翠房。遙憐墓仙宅。真氣共微茫。

宿雲門寺閣

香閣東山下。煙花象外幽。懸燈千嶂夕。卷幔五湖秋。畫

壁餘

一作飛

鴻鴈紗窗宿斗牛更疑天路近夢與白雲遊

楊子江樓

揚子何年邑雄圖作楚關江連二妃渚雲近八公山驛
道清楓外人煙綠嶼間晚來潮正滿數處落帆還

淮陰夜宿二首

水國南無畔扁舟北未期鄉情淮上失歸夢郢中疑木
落知寒近山長見日遲客行心緒亂不及洛陽時
永夕臥煙塘蕭條天一方秋風淮水落寒夜楚歌長宿
莽非中土鱸魚豈我鄉孤舟行已倦南越尙茫茫

下京口埭夜行

孤帆度綠氛寒浦落紅曛江樹朝來出吳歌夜漸聞南

溟接潮水。北斗近鄉雲。行役從茲去。歸情入鴈羣。

山行遇雨

驟雨晝氤氳。空天望一作夜不分。暗山唯覺電。窮海但生雲。
涉澗猜行潦。緣崖畏宿氛。夜來江月霽。擢唱此中聞。

夜到澗州

夜入一作刊丹陽郡。天高氣象秋。海隅雲漢轉。江畔火星流。
城郭傳金柝。閭閻閉綠洲。客行凡幾夜。新月再如鉤。

和常州崔使君詠後庭梅二首

聞唱梅花落。江南春意深。更傳千里外。來入越人吟。
弱幹紅妝倚。繁香翠羽尋。庭中自公日。歌舞向芳陰。
梅院重門掩。遙遙歌吹邊。庭深人不見。春至曲能傳。花

落彈棋處香來薦枕前使君停五馬行樂此中偏

同和詠樓前海石榴二首

客自新亭郡朝來數物華傳君妓樓好初落海榴花露
色珠簾映香風粉壁遮更宜林下雨日晚逐行車
海上移珍木樓前詠所思遙聞下車日正在落花時舊
綠香行蓋新紅洒步綦從來寒不易終見久逾滋

故右丞相贈太師燕文貞公挽詞二首

海內文章伯朝端禮樂英一言興寶運三入濟羣一作蒼生

命與才相偃年將位不并台星忽已圻流慟軫皇情

甲第三重一作長戟高門四列侯已成冠蓋里更有鳳皇樓

人世方爲樂生涯遽若休空餘一作爲掌綸地傳慶百千秋

廟堂多暇日山水契中一作情欲寫高深趣還因藻繪成

九江臨戶牖三峽繞檐花柳窮年發煙雲逐意生能

今萬里近不覺四時行氣染荀香馥光含樂鏡清詠歌

齊出處圖畫表冲盈自保千年遇何論八載榮李公詩云八載榮司存

奉和李右相賞會昌林亭

賢相初陪蹕靈山本降神作京雄近縣開閣寵平津地

勝林亭好時清宴賞頻百泉榮一作草木萬井布郊畛德

興春和盛功將造化鄰還嗤渭濱叟歲晚獨垂綸

和左衛武倉曹衛中對雨創一作韻贈右衛李騎

曹二八同
任校書

林父同官意宣尼久敬交文場刊玉篆武事掌金鏡道

紀定全書詩二前孫述雙峰書屋

合宜連茹時清豈繫匏克勤居簿領多暇屏謹饒美酒
懷公讌玄談俟客嘲薄雲生北闕飛雨自西郊院暑便
清曠庭蕪覺漸苞高門闕詎閑逸韻柱難膠枳棘鸞無
歎椅梧鳳必巢忽聞徵竝作觀海媿堂坳

送新羅法師還國

異域今無外高僧代所稀苦心歸一作窮寂滅宴坐得精微
持鉢何年至傳燈是日歸上卿揮別藻一作擲中禁下禪衣
海潤杯還度雲遙錫更飛此行迷處所何以慰虔祈

送趙大夫護邊

一作送趙都護赴安西

外域分都護中臺命職方欲傳清廟略先一作為取劇曹郎

已佩登壇印猶懷伏奏香一作香百壺開祖一作認餞駟牡戒一作結

故陳州刺史贈兵部尙書韋公挽詞

奕葉金章貴連枝鼎位尊
台庭爲鳳穴相府是鵷原
世閱空悲命泉幽不返魂
惟餘漢臣史繼術贊韋門

故程將軍妻南陽郡夫人樊氏挽歌

德配程休甫名高魯季姜
寵榮蒼玉珮宴夢一作鬱金堂

白日期偕老幽泉忽悼亡
國風猶在詠江漢近南陽

和上巳連寒食有懷京洛

天津御柳碧遙遙軒騎相從半
下朝行樂光輝寒食借
太平歌舞晚春饒紅妝樓下東
郊道青草洲邊南渡橋
坐見司空掃西第看君侍從落花朝

和左司張員外自洛使入京中路先赴長安逢

立春日贈韋侍御等諸公

忽覩雲間數鴈回更逢山上正一作花開河邊淑氣迎芳

草林下輕風待落梅秋憲府中高唱入春卿署裏和歌

一作來共言東閣招賢地自有西征謝傅一作才

和崔司馬登稱心山寺

郡府乘休日王城訪道初覺花迎步履香草藉行車倚

閣觀無際尋山坐一作太虛巖空迷禹跡海靜望秦餘翡

翠巢珠網鵬雞間綺䟽地靈資淨土水若護真如寶樹

誰攀折禪雲自卷舒晴分五湖勢煙合九夷一作居生滅

紛無象窺臨已得魚嘗聞寶刀贈今日奉瓊琚

奉和李右相中書壁書山水

戎裝青海連西掖一作黃河帶北涼關山瞻漢月戈劍宿

胡霜體國才先著論兵策復長果持文武術還繼杜一作

富陽

立秋日題安昌寺北山亭

樓觀倚長霄登攀及霽朝高如石門頂勝擬赤城標天

路雲虹近人寰氣象遙山圍一作伯禹廟江落伍胥潮徂

暑迎秋薄涼風是日飄果林餘苦李萍水覆甘蕉覽古

嗟夷漫凌空愛浣一作寥更聞金刹下鍾梵晚蕭蕭

登越州城

越嶂繞層城登臨萬象清封圻滄海合鄜市碧湖明曉

日漁歌滿芳春擗唱行山風吹一作羨箭田雨潤香杭代

御定全唐詩 二 孫述 雙峰書屋

閱英靈盡人閑吏隱并贈言王逸少已見曲池平

江行有懷

秋水明川路輕舟轉石圻霜多山橋熟寒至清禽稀飛
席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

長洲苑 吳黃武中此地校獵

吳王初鼎峙羽獵騁雄才輦道闔門出軍容茂苑來山
從列嶂障轉江自繞林迴劔騎緣汀入旌門隔嶼開合
離紛若電馳逐溢成雷勝地虞人守歸舟漢女陪可憐
夷漫處猶在洞庭隈山靜吟猿父缺城空應雉媒戎行
委喬木馬跡盡黃埃攬涕問遺老籛華安在哉

和詠廨署有櫻桃

上材大禁裏芳樹有紅櫻江國今來見君門春意生香
從花綬轉色繞佩珠明海鳥銜初實吳姬掃落英切將
稀取貴羞與衆同榮爲此堪攀折芳蹊處處成

同洛陽李少府觀永樂公主入蕃

邊地鶯花少年來未覺新美人天上落龍塞始應春

途中口號

鄴城東北望陵臺珠翠籙華云不廻無復新妝艷紅粉
空餘故壟滿青苔

晦日湖塘

吉日初成晦方塘遍是春落花邈二月芳樹歷三旬公

全唐詩

崔國輔

崔國輔吳郡人開元中應縣令舉授許昌令累遷集賢直學士禮部員外郎後坐事貶晉陵郡司馬詩一卷

從軍行

塞北胡霜下營州索兵救夜裏偷道行將軍馬亦瘦刀光照塞月陣色明如畫傳聞賊滿山已共前鋒鬪

雜詩

逢著平樂兒論交鞍馬前與酤一作鼎一斗酒恰用十千錢

後余在關內作事多迤邐何肯相救援一作何處肯相救徒聞寶

劍篇

御定全唐詩 崔國輔 雙峰書局

古意

紅荷楚水曲彪炳爍晨霞未得兩回摘秋風吹却花時
芳不待妾玉珮無處誇悔不盛年時嫁與青樓家

宿法華寺

松雨時復滴寺門清且涼此心竟誰證回憩支公牀壁
畫感靈跡龕經傳異香獨遊寄象外忽忽歸南昌

題豫章館

楊柳映春江江南轉佳麗吳門綠波裏越國青山際遊
宦常往來津亭暫臨憩驛前蒼石沒浦外湖沙細向晚
宴且久孤舟罔然逝雲留西北客氣歇東南帝獨有萋
萋心誰知怨芳歲

大石山石頭灘一作瀨作

悵矣秋風時余臨石頭瀨因高見遠境一作超遠盡此數州內

一作望盡羽山數一作點青海岸雜光一作花碎離離樹木少溝

澗湖波一作孫大日暮千里帆南飛落天外須臾遂入夜

楚色有微靄尋遠跡一作路已窮遺榮事多昧一身猶未理

安得濟時代且泛朝夕潮荷衣蕙為帶

漂母岸

泗水入淮處南邊古岸存秦時有漂母於此飯一作饋王孫

王孫初未遇寄食何一作多足論後為楚王來黃金一作誓答母

恩事跡遺在此空傷千載魂茫茫水中渚上有一孤墩

一作寒洲張未遙望不可到蒼蒼煙樹昏幾年崩塚色每一作暮

解光隴草空懸

日落潮痕古地多
陴圯時或不敢言
向夕淚霑裳遂一作只

宿蘆洲村亦此
空殿千楹爽
清涼山中
道士昏一
夜燈

王洛陽對酒吟
貧賤
不
歸
貧
賤
王
來
黃
金
一
萬
金

行行日將夕
荒村古塚一作路
無人跡
家籠荆棘
一鳥吟一作飛

屢唱一作勸
提壺沽酒
與古人不達
酒不足遺恨
精靈傳此

曲寄言世上一作常
諸少年平生
且盡杯中醪

奉和華清宮觀行香應制
奉和華清宮觀行香應制
奉和華清宮觀行香應制

天子藥一作陳
珠宮樓臺碧
落通豫遊
皆汗漫齋處
即崆峒

雲物三光裏
君臣一氣中
道言何所說
寶曆自無窮

七夕
七夕
七夕
七夕
七夕
七夕
七夕
七夕

太守仙潢族
含情七夕多
扇風生玉漏
置水寫銀河
閣

下陳書籍閨中曝綺羅
遙思漢武帝青鳥幾時過

宿范浦

月暗潮又落西陵渡
暫停村煙和海霧
舟火亂江星路
轉定山池一作道塘連范浦
橫鳴夷近何去空山臨滄溟

奉和聖製上巳祓禊應制

元巳秦中節吾君灞上遊
鳴鑿通禁苑別館遶芳洲
鸞干官列魚龍百戲浮
桃花春欲盡穀雨夜來收
慶向堯樽祝歡從楚棹謳
逸詩何足對宵作掩東周

九日侍宴應制

運偶千年聖時傳九日神
堯樽列鐘鼓漢闕闢鉤陳
金錄三清降瓊筵五老巡
始驚蘭佩出復詠柏梁新
雲鴈

樓前晚霜花酒裏春歡娛無限極書劔太平人

杭州北郭戴氏荷池送侯愉

秋近萬物肅况當臨水時折花贈歸客離緒斷荷絲誰
謂江國永故人感在茲道存過北郭情極望東菑喬木
故園意鳴蟬窮巷悲扁舟意何待中路每遲遲

怨詞二首

妾有羅衣裳秦王在時作爲舞春風多秋來不堪著
樓頭前作桃李疎池上芙蓉落織錦猶未成蛩聲入羅幕

古意二首

玉籠薰繡裳著罷眠洞房不能啼春風裏吹却蘭麝香
種棘遮藤蕪畏人來采一作殺比至狂夫還看看幾花發

襄陽曲二首

蕙草嬌紅萼。時光舞碧雞。城中美年少。相見白銅鞮。
少年襄陽地。來往襄陽城。城中輕薄子。知妾解秦箏。

魏宮詞

朝日照^點紅妝。擬上銅雀臺。畫眉猶未了。一作竟魏帝使人催。

長信草 一作長信宮 一作魏好怨

長信宮中草。年年愁處生。故^{一作時}侵珠履跡。不使玉階行。

○長樂少年行 一作古意

遺却珊瑚鞭。白馬驕不行。章臺折楊柳。春日^{一作草}路傍情。

湖南曲 一作古意

崔國輔

湖南送

一作與

君去

一作別

湖北送

一作億

君歸湖裏鴛鴦鳥

一作起

雙雙

他自飛

中流曲

一作志意

歸時

一作來

日尚早更欲向芳洲渡口水流急迴船不自由

玉孫遊

自與王孫別頻看黃鳥飛應由春草誤著處不成歸

采蓮曲

玉淑花爭發金塘水亂流相逢畏相失並著采蓮舟

子夜冬歌

寂寥抱冬心裁羅又一作女褰褰夜火頻挑燈霜寒剪刃冷

麗人曲

紅顏稱絕代。欲並真無侶。獨有鏡中人。由來自相許。

小長干曲

月暗送潮一作湖風相尋路不通。菱歌唱不徹。知在此塘中。

玉昭一作吟
歡曲

漢使南還盡。胡中妾獨存。紫臺綿望絕。秋草不堪論。

秦女卷衣一作妾
薄命

雖入秦帝宮。不上秦帝牀。夜夜玉窗裏。與他卷衣一作羅裳。

今別離

送別未能放。相望連水口。船行欲映洲。幾度急搖手。

衛豔詞

淇上桑葉青。青樓含白日。比時遙望君。車馬城中出。

御定全唐詩 二 崔國輔 雙峰書室

渭水西別李崙一作崙

隴右一作外長亭堠山陰古塞秋不知嗚咽水何事向西流

古意

淨掃黃金階飛霜皎一作厚如雪下簾彈箜篌不恐見秋月

送韓十四被魯王推遷往濟南府

西候情何極南冠怨在餘梁王雖好事一作不察獄中書

白紵辭二首

洛陽梨花落一作白如霰河桃葉生復齊坐惜一作怨玉一作舞

樓春欲盡紅綿粉絮裏妝啼此首一作香風詞

董賢女弟在椒風窈窕繁華貴後宮壁帶金釵皆翡翠

一朝零落變成空

九日

江邊楓落菊花黃
少長登高一望鄉
九日陶家雖載酒
三年楚客已霓裳

王昭君

一回望月一回悲
望月月移人不移
何時得見漢朝使
爲妾傳書斬畫師

徐定全居言

一回望良一四哉望良自終入不歸何却得良終歸也

王柳錄

三羊致密与添莫

上登麟游藻非黃少廷益高望眼大日國家看

八日

全唐詩

崔珪

崔珪貝丘人開元中官太子詹事與兄中書舍人琳弟
光祿卿瑤俱列棨戟世號三戟崔家詩一首

孤寢怨

征戍動經年含情拂玳筵花飛織錦處月落擣衣邊燈
暗愁孤坐牀空怨獨眠自君遼海去玉匣閉春弦

楊浚

楊浚官校書郎開元中嘗作聖典三卷上之詩二首

題武陵一作臨草堂

草堂列仙樓上在青山頂戶外窺數峯堦前對雙井雨

來花盡濕風度松初冷登棧行不疲入谿語彌靜云能
去塵服兼欲事金鼎正直心所存諂諛長自省適知幽
遁趣已覺煩慮屏更愛雲林間吾將臥南潁

廣武懷古

河水城下流登城望彌愜海雲飛不斷岸草綠相接龍
門無舊塲武牢有遺堞扼喉兵易守捫指計何捷天奪
項氏謀卒成漢家業鄉山遙可見西顧淚盈睫

贈李郎中

仙郎早朝退直省臥南軒院竹自成賞階庭寂不喧焚
香開後閣起草閉前門禮樂風流美光華星位尊榮兼
朱紱貴交乃布衣存是日登龍客無忘君子恩

劉晏

劉晏字士安曹州南華人年七歲舉神童累官殿中侍
御史遷度支郎中杭隴華三州刺史尋遷河南尹入爲
京兆尹再拜戶部侍郎舉顏真卿以自代寶應二年遷
吏部尙書平章事領度支鹽鐵轉運租庸使坐事罷相
諸使如故晏以轉運爲已任開三門渠津遺跡歲運米
數百萬石以濟關中晏理家儉約而重交敦舊視事敏
速乘機無滯在職十餘年權勢之重隣於宰相後爲楊
炎誣構死詩二首

詠王大娘戴竿

太平御覽云明皇御勸政樓大張樂羅列百技
時教坊有大娘者戴百尺竿竿上施木山狀

瀛洲方丈令小兒持絳節出入于其間歌舞不輟時晏以神童爲祕書
正字方十歲帝召之貴妃置之膝上爲施粉黛與之中櫛令詠王大娘

戴竿晏應聲而作因命
牙笏及黃紋袍賜之

樓前百戲競爭新唯有長竿妙入神誰謂綺羅番有力
猶自嫌輕更著人

享太廟樂章

漢祚惟永神功中興風驅氛祲天覆黎烝三光再朗庶
績其凝重熙累葉景命是膺

袁瑾

袁瑾明皇時官贛縣尉詩二首

鴻門行

少年買意氣百金不辭費學劍西入秦結交北遊魏秦
魏多豪人與代亦殊倫由來不相識皆是暗相親寶馬

青絲鬢狐裘貂鼠服晨過劇孟游暮投咸陽宿然諾本
云云諸侯莫不聞猶思百戰術更逐李將軍始從灞陵
下遙遙度朔野北風聞楚歌南庭見胡馬胡馬秋正肥
相邀夜合圍戰酣烽火滅路斷救兵稀白刃縱橫逼黃
塵飛不息虜騎血灑衣單于淚沾臆獻凱雲臺中自言
塞上雄將軍行失勢部曲遂無功新人不如舊舊人不
相救萬里長飄飄十年計不就棄置難重論驅馬度鴻
門行看楚漢事不覺風塵昏寶劔中夜撫悲歌聊自舞
此曲不可終曲終淚如雨

惠文太子挽歌

睿宗之子峽王範也開元十四年卒贈太子

寒仗丹旄引陰堂白日遠暗燈明象物畫水濕靈衣羽

化淮王去仙迎太子歸空餘燕銜土朝夕向陵飛

李昂

李昂開元中考功員外郎詩二首

從軍行

漢家未得燕支山征戌年年沙朔間塞下長驅汗血馬
雲中恒閉玉門關陰山瀚海千萬里此日桑河東流水
稽洛川邊胡騎來漁陽戍裏烽煙起長途羽檄何相望
天子按劍思北方羽林練士拭金甲將軍校戰出玉堂
幽陵異域風煙改亭障連連古今在夜聞鴻雁南渡河
曉望旌旗北臨海塞沙飛浙澗遙裔連窮磧玄漠雲平
初合陣西山月出聞鳴鏑城南百戰多若辛路傍死臥

黃沙人戎衣不脫隨霜雪汗馬趨趨長被鐵楊葉樓中
不寄書蓮花劍上空流血匈奴未滅不言家驅逐行行
邊徼賒歸心海外見明月別思天邊夢落花天邊一作迴
望何悠悠芳樹無人渡隴頭春雲不變陽關雪桑葉先
知胡地秋田疇不賣盧龍策竇憲思勤燕然石麾兵靜
北垂此日交河湟欲令塞上無干戚會待單于繫頸時

賦戚夫人楚舞歌

定陶城中是妾家妾年二八顏如花閨中歌舞未終曲
天下死人如亂麻漢王此地因征戰未出簾櫳人已薦
風花菡萏落轅門雲雨裴回入行殿日夕悠悠非舊鄉
飄飄處處逐君王閨門一作玉裏通歸夢銀燭迎來在

戰場相從不顧恩不顧已何異浮萍寄深水逐戰曾迷

隻輪下隨君幾陷重圍裏此時平楚復平齊咸陽宮闕

到關西珠簾夕燉聞鐘磬白日秋天憶鼓鼙君王縱恣

翻成誤呂后由來有深妬不奈君王容鬢衰相存相顧

能幾時黃泉白骨不可報雀釵翠羽從此辭君楚歌兮

妾楚舞脉脉相看兩心苦曲未終兮袂更揚君流涕兮

妾斷腸已見儲君一作歸惠帝徒留愛子付周昌

句

耳臨清渭洗心向白雲閑紀事云唐雋秀諸科初皆考功主之開元二十四年昂為員外士試事昂性剛急集

貢士與之約有請託者當首落之既而昂外舅舉進士李權昂召權庭數之且斥其章句之瑕以辱焉權應曰人或州知竊聞左右非敢求也鄙文不滅既聞命矣

執事皆有雅什愚將切磋可乎昂怒而嬉笑曰有何不可權曰耳臨清渭洗心向白雲閑非勢重詞耶唐書卷九十五

於足下而洗耳何哉昂聞駭而起不知所訶訴執政下
權吏自後以省即位輕不足踰多士以禮部侍郎專之

庫狄履温

庫狄履温官尚書員外郎兼充節度判官開元九年宇
文融括田時奏置勸農判官以履温等二十九人並攝
御史分行天下詩一首

夏晚初霽南省寓直用餘字

時兼尚書郎
節度判官

薄宦因時泰涼宵寓直初沈沈仙閣閉的的暗更徐霽
色連空上炎氛入夜除星迴南斗落月度北窗虛待漏
殘燈照含芳襲氣餘寐來冠不解奏罷草仍書幕府慙
良策明曹媿散樗命輕徒有報義重更難疎燕厦欣成
託鵝行濫所如晨趨當及早復此戒朝車

寇坦

寇坦開元時人詩二首

同皇甫兵曹天官寺浴室新成招友人賞會

溫室歡初就蘭交托勝因共聽無漏法兼濯有爲塵水
潔三空性香沾四大身清心多善友頌德慰同人

同張少府和庫狄員外夏晚初霽南省寓直時
兼充節度判官之作

黃綬歸休日仙郎復奏餘晏居當夏晚寓直會晴初露
散星文發雲披水鏡虛高才推獨唱喜嘉會連茹月色
搖春闥香煙靄暝廬千門傳夜警萬象照階除少孺嘉
能賦文強閱賜書兼曹謀未展入幕志方攄爲奉靈臺

帛恭先待漏車貞標不可仰空此樂樵漁

李休烈

李休烈開元中洛陽尉詩一首

詠銅柱

天門街裏倒天樞火急先須卸火珠計合一條絲線挽

何勞兩縣索人夫

長壽三年武后建銅柱謂之天樞開元中詔毀先是有訛言云一條絲挽天樞故休烈詩及之

...

...

向幾兩湖常人夫
...

天門海裏問天醉
火氣焚影照火耗
情合一對絲絲

源賦林

李林照開云林
...

李林照

...

全唐詩

李林甫

李林甫，高祖從父弟之孫。初爲千牛直長，其舅姜皎深愛之。開元初，遷太子中允，與源乾曜有姻親。乾曜執政，其子絜爲林甫求司門郎中，乾曜薄其爲人，不許。後宇文融引爲御史，歷吏部侍郎，執政薦其有宰相才，即拜黃門侍郎、平章事，再進兵部尚書，尋代張九齡爲中書集賢殿大學士。林甫性沈密，城府深阻，多猜忌，能陰中人。秉鈞二十年，朝野側目，素寡學術，其題尺皆郭慎微、苑咸代爲之。今存詩三首。

送賀監歸四明應制

挂冠知止足，豈獨漢疏賢。
入道求真侶，辭恩訪列僊。
睿文舍日月，宸翰動雲煙。
鶴駕吳邾遠，遙遙南斗邊。

奉和聖製次瓊岳應制

東幸從人望，西巡順物回。
雲收二華出，天轉五星來。
十月農初罷，三驅禮復開。
更看瓊岳上，佳氣接神臺。

秋夜望月憶韓席等諸侍郎因以投贈

秋天碧雲夜，明月懸東方。
皓皓庭際色，稍稍林下光。
桂華澄遠近，璧彩散池塘。
鴻雁飛難度，關山曲易長。
揆予秉孤直，虛薄忝文昌。
握鏡慚先照，持衡媿後行。
多才衆君子，載筆久詞場。
作賦推潘岳，題詩許謝康。
當時陪宴語，今夕恨相望。
願欲接高論，清晨朝建章。

楊炎

楊炎字公南鳳翔人初爲河西節度掌書記拜起居舍人歷禮部郎中遷中書舍人與常袞並掌綸誥袞長於除書炎善於德音時稱常楊進吏部侍郎坐附元載貶道州司馬德宗即位崔祐甫薦其文學器用上亦自聞其名拜門下侍郎同平章事再貶崖州司馬炎初奏請內府租賦仍歸左藏庫及定兩稅法頗有嘉聲專政後惟務報讐構害意爲愛憎卒至賜死集十卷今存詩二首

流崖州至鬼門關作

一去一萬里千知千不還崖州何處在生度鬼門關

贈元載歌妓

雪面淡眉天上女，鳳簫鸞翅欲飛去。
玉山翹翠步無塵，楚腰如柳不勝春。

杜陽雜編云：載寵姬薛瑤英，玉質香肌，善歌舞。唯炎及賈至與載善，得見炎作長歌贈之，今不全。

元載

元載字公輔，岐山人。嗜學，好屬文。以明莊老文列四子之學，策入高科。初授新平尉，歷度支郎中、肅宗嘉其奏對，委以國計，充使江淮都領漕輓，俄遷戶部侍郎、度支使，并諸道轉運使。以附李輔國，遷中書侍郎、同平章事，排去忠良，引用貪猥。大曆中以賄敗，伏誅。集十卷，今存。

詩一首

別妻王韞秀

王忠嗣鎮太原，以女韞秀歸載，久而見輕於王之親屬。韞秀勸之遊學，因爲詩別之，入秦。

年來誰不厭龍鍾
雖在侯門似不容
看取海山寒翠樹
苦遭霜霰到秦封

陳希烈

陳希烈宋州人長於名理開元中於禁中講老易累遷
至祕書少監代張九齡專判集賢院事明皇凡有撰述
必經其手李林甫知上矐待乃引爲宰相寵遇侔於林
甫後爲楊國忠所嫉罷知政事祿山之亂受僞命爲中
書令論陷賊罪當死肅宗以舊恩特原之長流合浦郡
詩三首

賦得雲生棟梁間

一片蒼梧意氤氳生棟梁
下簾山足暗開戶日添光偏

使衣裘潤能令枕簟涼無心伴行雨何必夢荆王

奉和聖製三月三日

上已迂龍駕中流泛羽觴酒因朝太子詩爲樂賢王錦
纜方舟渡瓊筵大樂張風搖垂柳色花發異林香野老
歌無事一作無公事朝臣飲歲芳皇情被群物中外洽恩光

省試白雲起封中

千年泰山頂雲起漢王封不作奇峰狀寧分觸石容爲
霖雖易得表聖自難逢冉冉排空上依依疊影重素光
非曳練靈貺是從龍豈學無心出東西任所從

張漸

張漸循之從子也天寶中楊國忠辟爲幕佐與竇華宋

首
昱鄭昂魏仲犀同列官至翰林學士國忠敗坐誅詩一

朗月行

朗月照簾幌清夜有餘姿洞房怨孤枕挾琴愛前墀
草已敷葉梨花復徧枝去歲草始榮與君新相知今年
花未落誰分生別離代情難重論人事好乖移合比月
華滿分同月易虧虧月當再圓人別星隕天吾欲竟此
曲意深不可傳歎息孤鸞鳥傷心明鏡前

宋昱

宋昱天寶中爲中書舍人以附楊國忠貲產甚富爲亂
兵所殺詩三首

卷之四 張漸 宋昱 雙峰書屋

曉次荆江

孤舟大江水水涉無昏曙雨暗述津時雲生望鄉處漁
翁閑自樂樵客紛多慮秋色湖上山歸心日邊樹徒稱
竹箭美未得楓林趣向夕垂釣還吾從落潮去

題石窟寺

魏孝文
所置

梵宇開金地香龕鑿鐵圍影中羣象動空裏衆靈飛簷
牖籠朱旭房廊挹翠微瑞蓮生佛步瑤樹挂天衣邀福
功雖在興王代久非誰知雲朔外更覩化胡歸

樟亭觀濤

濤來勢轉雄獵獵駕長風雷震雲霓裏山飛霜雪中激
流起平地吹澇上侵空翕闢乾坤異盈虛日月同舩舸

從陸起洲浦隔阡通跳沫噴巖翠翻波帶景紅怒湍初
抵北却浪復歸東寂聽堪增勇晴看自發蒙伍生傳或
謬枚叟說難窮來信應無已申威亦匪躬衝騰如決勝
迴合似相攻委質任平視誰能涯始終

此合以財文委晉王多顯情相與故深
 為對與儲鑲與來計熟非也
 此非味或與儲東郊朝世會
 錢對味此前副刊無獨利實發畢隔郊帶景以怒

錢對味此前副刊無獨利實發畢隔郊帶景以怒

全唐詩

盧象

盧象字緯卿汝水人開元中由前進士補秘書郎轉右
 衛倉曹掾丞相張九齡深器之擢左補闕河南府司錄
 司勳員外郎名盛氣高少所卑下為飛語所中左遷齊
 邠鄭三郡司馬入為膳部員外郎祿山之亂象受偽署
 貶永州司戶起為主客員外郎道病卒集十二卷今編
 詩一卷

贈程秘書

客自岐陽來吐音若鳴鳳孤飛畏一作果不偶獨立誰見

用忽從被禍中召入承明宮聖人借顏色言事無不通

殷勤拯黎庶感激論諸公將相猜賈誼圖書歸馬融顧

余一作今久寂寞一歲麒麟閣且共歌太平勿嗟名宦薄

家叔徵君東溪草堂二首

開一作開山十餘里青壁森相倚欲識堯時天一作人東溪白雲

足一作是是雷聲轉幽壑雲氣杳流水一作相表裏澗影生龍一作龜蛇巖

端翳檉梓一作梓大道終不易君恩曷能已鶴羨一作羨無老時

龜言攝生理浮年笑六甲元化潛一指未暇掃雲梯空

慙阮氏子

今朝共遊者得性閑未歸已到仙人家莫驚鷗鳥飛水

深巖子釣松挂巢父衣雲氣轉幽寂溪流無是非名理

未足羨腥臊託所希自惟負貞意何歲當食薇

鄉試後自鞏還田家因謝鄰友見過之作

雞鳴出東邑馬倦登南巒落日見桑柘翳然丘中寒鄰
家多舊識投暝來相看且問春稅苦兼陳行路難園場
近陰壑草木易凋殘峰晴雪猶積澗深水已團浮名知
何用歲晏不成歡置酒共君飲當歌聊自寬

青雀歌

啾啾青雀兒飛來飛去仰天池逍遙飲啄安涯分何假
扶搖九萬爲

雜詩二首

家居五原上征戰是平生獨負山西勇誰當塞下一作名
死生遼海戰雨雪薊門行諸將封侯盡論功獨不成

君家御溝上垂柳夾朱門、列鼎會中貴、鳴珂朝至尊、死
生在片議、窮達由一言、須識苦寒士、莫矜狐白溫。

贈廣川馬先生

經書滿腹中、吾識廣川翁、年老甘無位、家貧懶發蒙、人
歸洙泗學、歌盛舞雩風、願接諸生禮、三年事馬融。

峽中作

高唐幾百里、樹色一作雲接陽臺、晚見江山霽、宵聞風雨來、
雲一作雷從三峽起、天向數峰開、靈境信難見、輕舟那可回。

竹里館

江南水不閉、山澤氣潛通、臘月聞山鳥、寒崖見蟄熊、柳
林春半合、荻笋亂無叢、回首金陵岸、依依向北風。

永城使風

長風起秋色、細雨含落暉、夕鳥向林去、晚帆相逐飛、蟲
聲出亂草、水氣薄行衣、一別故鄉道、悠悠今始歸、

和徐侍郎叢篠詠

一作蔣
源詩

中禁夕沈沈、幽篁別作成、色連雞樹近、影落鳳池深、為
重凌霜節、能虛應物心、年年承雨露、長對紫庭陰、

駕幸溫泉

傳聞聖主幸新豐、清蹕鳴鑾出禁中、細草一作
集終朝隨步
輦、垂楊幾處繞行宮、千官扈從驪山北、萬國來朝渭水
東、此日小臣徒一作
從獻賦、漢家誰復重楊雄、

奉和張使君宴加朝散

佐理星辰貴分榮
渙汗深言從大夫
後用荅聖人心騎
擁軒裳客鸞驚翰
墨林停杯歌麥秀
秉燭醉棠陰爽氣
凌秋笛輕寒散暝
砧祗應將四子講
德謝一作知音

贈張均員外

公門世緒一作業昌才子冠
裘王出自平津
邸還爲吏部郎

神仙餘氣色列宿動一作助輝光
夜直南宮靜一作近朝趨北

禁長時人歸一作窺水鏡明
主賜衣裳翰苑飛
鸚鵡天池待

鳳凰承歡一作欣疇日顧未紀一作記
後時傷去去圖南遠
微才

幸不忘

送祖詠

田家官伏臘歲晏子言歸
石路雪初下荒村一作山雞共飛

東原多一作同煙火北澗隱寒暉滿酌野人酒倦聞鄰女機

胡為困一作因樵采幾日罷一作解朝衣一作被

送綦母潛

夫君不得意本自滄海一作江來高足未云騁虛舟空復迴

淮南楓葉落灞岸桃花開出處暫為耳沈浮安繫哉如

何天覆物還遣世遺才欲識秦將漢嘗聞王與裴離筵

對寒食別雨乘春雷會有徵書到荷衣且一作莫漫裁

送趙都護赴安西

下客一作結髮候旌麾元戎復在斯門一作文開都護府兵動

羽林兒黠虜多翻覆謀臣有別離智同天所授恩共日

相隨漢使開賓幕胡笳送酒卮風霜迎馬首雨雪事魚

御定全唐詩 卷二 盧象 雙峰書屋

麗上策應無戰深情屬載馳不應行萬里明主寄安危

追涼歷下古城西北隅此地有清泉喬木

一本題上有同

李北海

四字

謝眺出華省王祥貽佩刀前賢真可慕哀病意空勞貞
悔不自卜遊隨共爾曹未能齊得喪時復誦離騷閑蔭
七賢地醉餐三士桃蒼苔虞舜井喬木古城壕漁父偏
相狎堯年不可逃蟬鳴秋雨霽雲白曉山高咫尺傳雙
鯉吹噓借一作一毛故人皆得路誰肯念同袍

戲贈邵使君張郎

少婦石榴裙新妝白玉面能迷張公子不許時相見

同王維過崔處士林亭

映竹時聞轉轆轤當窗只見網蜘蛛主人非病常高卧
環堵蒙籠一老儒

寄河上段十六

一作王維詩

與君相識

一作見

卽相親聞道君家住

一作在

孟津爲見行舟試

借問客中時有洛陽人

寒食

子推言避世山火遂焚身四海同寒食千秋爲一人深
冤何用道峻跡古無隣魂魄山河氣風雷御寓神光煙
榆柳滅怨曲龍蛇新可歎文公霸平生負此臣

八月十五日象自江東止田園移庄慶會未幾

歸汶上小弟幼妹尤嗟

一作悲

其別兼賦是詩三首

俱見王維集第一首題云休假還
舊業第二第三首題云別弟妹

謝病始告歸依然入桑梓家人皆佇立相候衡門裏疇

類一作輩皆長年成人舊童子上堂家一作嘉慶畢願與親姻邇

一作商論舊或餘悲思一作目存且相喜田園轉蕪沒但有寒泉

水衰柳日蕭條秋光清邑里入門乍如客休騎非便止

中飲一作飯願王程離憂從此始

兩妹日長成雙鬢將及人已能持寶瑟自解掩羅巾念

昔別時小未知疎與親今來識同恨掩一作拭淚方殷勤

小弟更孩幼歸來不相識同居雖漸慣見人猶默默宛

作越人言一作語殊鄉甘水食別此最爲難淚盡有餘憶

歎白髮一作于

維詩

我年一何長鬢髮日已白俛仰天地間能爲幾時客惆
悵故山雲裏回空日夕何事與時人東城復南陌

早秋宴張郎中海亭即事

一作孟浩然詩

邑有弦歌宰翔鸞狎野一作鷗舂言華省舊暫滯一作海池
遊鬱島藏深竹前雞對舞樓更聞書即事雲物是新秋

句

吳越山多秀新安江甚清

見河嶽英靈集

書名會粹才偏逸酒號

屠蘇味更醇

贈郭虔見唐詩林

初疑輕煙淡古松又似山開萬仞

峰

贈懷素見顏真卿序

全唐詩

盧鴻

一作盧鴻 新唐書

盧鴻一字浩然范陽人徙家洛陽少有學業頗善籀篆楷隸隱於嵩山開元中以諫議大夫召鴻一固辭乃聽還山詩十首編為一卷

嵩山十志十首

草堂

草堂者蓋因自然之窟阜前當墉洫資人力之締構後加茅茨將以避燥濕成棟宇之用昭簡易叶乾坤之德道可容膝休閑谷神同道此其所貴也及靡者居之則妄為剪飾失天理矣詞曰

山爲宅兮草爲堂芝蘭兮葯房羅靡蕪兮拍薜荔荃壁
兮蘭砌靡蕪薜荔兮成草堂陰陰邃兮馥馥香中有人
兮信宜常讀金書兮飯玉漿重顏幽操兮不易長

一作長
不場

倒景臺

倒景臺者蓋太室南麓天門右崖傑峰加臺氣凌
倒景登路有三處可憩或曰三休臺可以邀馭風
之客會絕塵之子超逸真盪遐襟此其所絕也及
世人登馬則魂散神越目極心傷矣詞曰

天門豁兮仙臺聳傑屹啐兮零

一作零

瀕湧窮三休兮曠一

觀

一作觀

忽若登崑崙兮中期汗漫仙聳天關

一作開

兮倒景臺

鯨

一作鯨

凌氣兮軼崑埃皎皎之子兮自獨立雲可朋兮赧

可吸曾何榮辱之所及

樾館

樾館者蓋卽林取材基顛柘架茅茨居不期逸爲
不至勞清談娛賓斯爲尙矣及盪者鄙其隘園苟
事宏洵垂其實矣詞曰

紫巖隈兮青磴側雲松煙薦兮千古色芳蘿藤兮蔭蒙
龍幽人構館兮在其中霍藤蒙龍兮開樾館卧鳳霄兮
坐榻一作榻旦粵有賓兮時戾止樵蕨不爨兮清談一本此下有而字
已永歲終朝兮常若此

枕煙庭

枕煙庭者蓋特峯秀起意若枕煙祕庭凝虛宵若

仙會卽楊雄所謂爰靜神游之庭是也可以超絕
紛世永潔精神矣及機士登馬則寥閱懍恍愁懷
情累矣詞曰

臨泱漭兮背青熒吐雲煙兮合窅冥况歛翁兮脊幽靈
意縹緲兮羣仙會窅冥仙會兮枕煙庭竦魂形兮凝視
聽聞夫至誠必感兮祈此巔契一作潔顛氣養丹田終彷彿
兮覩靈仙

雲錦淙

雲錦淙者蓋激溜衝攢傾石叢倚鳴湍壘濯一作浪噴

若雷風詭輝分麗煥若雲錦可以瑩發靈矚幽翫
忘歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駮犖兮草黃緣
芳纂纂兮瀨濺濺石攢叢兮雲錦淙波連珠兮文沓絳
有潔冥一作貞者媚此幽漱靈液兮樂天休實獲我心兮夫
何求

期仙磴

期仙磴者蓋危磴穹窿迴接雲路靈仙髣髴若可
期及儒者毀所不見則黜之蓋疑水之談信矣詞

曰

霏微陰壑兮氣騰虹迤邐危磴兮上凌空青霞杪兮紫
雲垂鸞歌鳳舞兮吹參差鸞歌鳳舞兮期仙磴鴻駕迺
兮瑤華贈山中人兮好神仙想像聞此兮欲升煙鑄月

煉液兮竚還年

滌煩磯

滌煩磯者蓋窮谷峻崖發地盤石飛流攢激積漱
成渠凜性滌煩迴有幽致可爲智者說難爲俗人

言詞曰

靈磯盤礴兮溜奔錯漱冷風兮鎮冥壑研苔滋兮泉珠
潔一飲一憩兮氣想滅磷漣清滓兮滌煩磯靈仙境兮
仁智歸中有琴兮徽以玉峨峨湯湯兮彈此曲寄聲知
音兮同所欲

羣翠庭

羣翠庭者蓋崖巖積陰林蘿沓翠其上繚羣其下

深湛可以王神可以真道矣及喧者遊之則酣諱
永日汨清薄厚詞曰

青崖陞兮月礪曲重幽壘邃兮隱淪躅草樹

一作附

絲纂

兮翠蒙龍當其無兮庭在中當無有用兮纂翠庭神可
谷兮道可冥有幽人兮張素琴皇徽兮綠水陰德之悒
兮澹多一作心

洞元室

洞元室者蓋因巖作室卽理談玄室返自然元斯
洞矣及邪者居之則假容竊次妄作虛誕竟以盜
言詞曰

風氣肅兮巖翠冥

一作空

一作室

陰虛兮戶芳迎

一作

披蕙帳兮

促蘿筵談空空兮覈元元蕙帳蘿筵兮洞元室秘而幽
兮真可一作且吉返自然兮道可冥澤妙思兮草玄經結幽
門兮在黃庭

金碧潭

金碧潭者蓋水潔石鮮光涵金碧巖葩林蕩有助
芳陰鑿空洞虛道斯勝矣而世生纏乎利害則未
暇遊之詞曰

水碧色兮石金光灩熒熒兮潏湲湲泉葩映兮煙蕩臨
紅灼灼翠陰陰翠相鮮兮金碧潭霜天洞兮煙景涵有
幽人兮好冥絕炳其燠兮凝其潔悠悠千古兮長不滅

全唐詩

徐安貞

徐安貞初名楚璧龍丘人應制舉一歲三登甲科開元
中爲中書舍人集賢院學士帝屬文多令視草終中書
侍郎與李林甫同用事天寶後避罪衡山岳寺李邕識
之因載北歸行至長沙謂其守曰瀟湘逢故人若幽谷
之觀太陽不然委填巖穴矣詩十一首

書殿賜宴應制

校文常近日賜宴忽升天酒正傳杯至饗人捧案前玉
階鳴溜水清閣引歸煙共惜芸香暮春風幾萬一作年

從駕溫泉宮

神女調溫液、年年待聖人、試開臨水殿、來洗屬車塵、暖
氣隨明主、恩波浹近臣、靈威自無極、從此獻千春、

送呂向補闕西岳勒碑

聖作西山頌、君其出使年、勒碑懸日月、驅傳接雲煙、寒
盡函關路、春歸洛水邊、別離能幾許、朝暮玉墀前、

送丹陽採訪

郡縣分南國、皇華出聖朝、爲憐鄉權近、不道使車遙、舊
俗吳三讓、遺風漢六條、願言除疾苦、天子聽歌一作謠、

送王判官

明月開三峽、花園出五谿、城池青壁裏、煙火綠林西、不
畏王程促、惟愁仙路迷、巴東下歸櫂、莫待夜猿啼、

題襄陽圖

畫得襄陽髀依然見昔遊
峴山思駐馬漢水憶迴舟
丹壑常含霽青林不換秋
圖書一作畫圖空咫尺千里意悠悠

程將軍夫人挽詩

琴瑟調雙鳳和鳴不獨飛
正歌春可樂行泣露先晞
環珮聲猶在房櫳夢不歸
將軍休沐日誰勸著新衣

奉和喜雪應制

兩宮齋祭近登臨
雨雪紛紛天晝陰
祇爲經寒無瑞色
頓教正月滿春林
蓬萊北上旌門暗
花萼南歸馬跡深
自有三農歌帝力
還將萬庾荅堯心

聞鄰家理箏

北斗橫天夜欲闌，愁人倚月思無端。
忽聞畫閣秦箏逸，知是鄰家趙女彈。
曲成虛憶青蛾斂，調急遙憐玉指寒。
銀鎖重關聽未闌，不如眠去夢中看。

奉和聖製早度蒲津關

仙掌臨秦甸，虹橋闢晉關。
兩都分地險，一曲度河灣。
路得津門要，時稱古戍閑。
城花春正發，岸柳曙堪攀。
後乘猶臨水，前旌欲換山。
長安迴望日，宸御六龍還。

奉和聖製荅二相出雀鼠谷

兩臣初入夢，二月扈巡邊。
澗北寒猶在，山南春半傳。
頌聲先奉御，辰象復回天。
雲日明千里，旌旗照一川。
柳陰低輦路，草色變新田。
還望汾陽近，宸遊自眇然。

句

暮雨衣猶濕春風帆正開

雲後友議

崔翹

崔翹融之子開元中與兄禹錫相次為中書舍人歷禮部侍郎贈荊州大都督詩三首

奉和聖製荅張說南出雀鼠谷

碛路繞河汾晴光拂

一作掃

曙氛笳吟中嶺樹仗入半峰雲

頓覺山原盡平看邑里分早行芳草迴

一作樹遠

晚憩好風薰

嘉頌推英宰春遊扈聖君共欣承睿渥日月照天文

送友人使夷陵

猿鳴三峽裏行客舊沾裳復道從茲去思君不暫忘開

襟春葉短分手夏條長獨有幽庭桂年年空自芳

鄭郎中山亭

篆筆飛章暇園亭染翰游地竒人境別事遠俗塵收書
閣山雲起琴齋澗月留泉清鱗影見樹密鳥聲幽杜馥
熏梅雨荷香送麥秋無勞置驛騎文酒可一作暗相求

梁昇卿

梁昇卿與張九齡善涉學工書尤長八分書東封朝覲
碑爲時絕筆歷廣州都督詩一首

奉和聖製荅張說扈從南出雀鼠谷

何意重關道千年過一作遇聖皇幽林承睿一作惠澤閑客見清

光日御仙一作先途遠山靈壽域一作獻壽長寒雲入晉薄春樹隔

汾香國佐同時雨天文屬歲陽從來漢家盛未若此巡
方

吳鞏

吳鞏少微子以文行知名開元中爲中書舍人詩一首

白雲溪

山徑入修篁深林蔽日光夏雲生嶂遠瀑水引溪長秀
跡逢皆勝清芬坐轉涼回看玉樽夕歸路賞前忘

陸海

一作孫海

陸海餘慶之孫有才思與陳子昂盧藏用爲方外十友
工於五言爲賀知章所賞性巖峻不附權要自省郎出

牧潮州存詩二首

題奉國寺

新秋夜何爽露下風轉淒一聲竹林一作外一作裏于燈花

塔西

題龍門寺

窗燈林靄裏聞磬水聲中更與龍華會一作更籌爐煙滿夕

風

句

忽然一曲稱君心破却中人百家產城外平人驅欲

盡帳中猶打袞花毬諷刺詩

裴士淹

裴士淹開元末嘗為郎官詩一首

白牡丹

長安年少惜春殘，爭認慈恩紫牡丹。
別有玉盤承露冷，無人起就月中看。

李元操

李元操開元初詩人詩一首

和從叔祿惜元日早朝

銅渾變秋節，玉律動年灰。
曖曖城霞旦，隱隱禁門開。
衆靈奏仙府，百神朝帝臺。
葉令雙鳧至，梁王驛馬來。
戈鋌映林闕，歌管拂塵埃。
保章望瑞氣，尙書免火災。
冠冕多秀士，簪裾饒上才。
誰憐張仲蔚，日暮反蒿萊。

顧朝陽

顧朝陽開元中人詩一首

昭君怨

莫將鉛粉匣不用鏡花光一去邊城路何情更畫妝影
銷胡地月衣盡漢宮香妾死非關命都一作祇緣怨斷腸

陶峴

陶峴潛之裔孫開元中家於峴山與孟彥深孟雲卿焦
遂遊嘗製三舟一舟自載一舟供賓客一舟置飲饌有
女樂一部奏清商之曲逢山泉則窮其景物吳越之士
謂之水仙詩一首

西塞山下迴舟作

匡廬舊業是誰一作自有主吳越新居安此生白髮數莖歸未

得青山一望計還成、鴉翻楓葉夕陽動、鷺立蘆花秋水
明、從此舍舟何所詣、酒旗歌扇正相迎、